

肉桂
菌桂

按本朝有單字桂者其葉圓小似菘葉而木心赤堅而易斫用作基秤名赤木或為木屐齒良尾州與州及阿波土佐多出之蓋不似柏檜葉別此一種乎

〔和漢三才圖會八十二〕肉桂肉桂 浸寢音 牡桂略中

按本草肉桂之類諸說有異同今以時珍之說為據而肉桂官桂以為二物者非也但官桂最上之肉桂則今東京肉桂以可也也東京即安南國交趾之別國也之產肉厚長尺許織裁以木皮縛之甚辣風味佳不粘舌也交趾之產次之東京肉桂多桂枝少交趾桂枝多肉桂少廣西潯州亦次之咬啣吧暹羅之產粘于舌近年中華船亦有肉桂皆不及於東京今藥肆名官桂者皮如桂心皮而略有艷潤而不甚辣自此一種與時珍之說不合桂心。

蒙筌云去外甲錯鹿皮近木黃肉曰桂心或謂去內外皮者非也

按肉桂桂心本一物也然今藥肆所販桂心多用倭桂出於薩州川內シナイ肉桂單名桂心用之皮厚香氣甚自唐來桂心香少蓋無肉與心之差別誤來而已

氣味苦辛 治九種心痛腹內冷氣痛不可忍止下痢通月閉及胞衣不下治癰疽痘瘡內托化膿

菌桂菌桂 筒桂 小桂 本草必讀有菌桂之圖與牡桂相反誤也今改正之略中

按菌桂處處植之呼曰肉桂木其形狀如上說但葉匾本末狹尖綠澤而背色淡摘其葉經半時則縱文變赤黑色既黃枯者枝葉根皆辛溫香氣甚

〔本草一家言〕桂 按綱目有板桂筒桂官桂之別皆藥品之別而藥舖之稱呼也非別有種蓋諸桂之通稱也然綱目官筒板三名分屬各條者誤矣其厚皮如板者通呼板桂其薄皮卷曲如筒者通呼筒桂倭藥舖呼厚皮者板桂而呼薄皮者筒桂也蓋板桂是本幹皮筒桂是枝梢皮如今山椒皮之類也官桂供官府上好桂也官桂中亦有板筒之別然今所渡筒桂藥舖呼卷肉桂者別是一種下品桂中之筒桂也曰筒曰板猶條芩片芩穿眼大黃牛舌大黃馬蹄大黃之類是也主錄